



REPUBLIKA E SHQIPËRISË

AGJENCIA E MENAXHIMIT TË GARANCIVE DHE KREDIVE TË PAKTHYERA
DREJTORIA EKONOMIKE DHE E SHËRBIMEVE MBËSHTETËSE
SEKTORI I FINANCËS DHE BUXHETIT

Tiranë, më 14 / 02 / 2025

Nr. 526/1 Prot.

Lënda: Mbi raportin e monitorimit për 12 mujorin e vitit 2024.

MINISTRISË SË FINANCEVE
DREJTORISË SË BUXHETIT DHE MENAXHIMIT FINANCIAR
Adresa: Bulevardi "Dëshmorët e Kombit", Nr.3
Tiranë

Bazuar në ligjin nr.55/2023 "Për Agjencinë e Menaxhimit të Garancive dhe Kredive të Pakthyera", ligjit nr.97/2023 "Për buxhetin e vitit 2024", udhëzimit nr. 9 datë 20.03.2018 "Për procedurat standarte të zbatimit të buxhetit", udhëzimit nr.14, datë 30.05.2023 "Për procedurat standarte të monitorimit të buxhetit në njësitë e qeverisjes qendrore", shkresës nr. 2698 prot. datë 07.02.2025 e administruar në AMGKP me nr. 526 prot., datë 10.02.2025, është kryer monitorimi i zbatimit të buxhetit për Agjencinë e Menaxhimit të Garancisë dhe Kredive të Pakthyera për 12- mujorin e vitit 2024.

1. Hyrje

Agjencia e Menaxhimit të Garancive dhe Kredive të Pakthyera, (AMGKP), është person juridik publik, buxhetor, në varësi të Ministrit përgjegjës për financat, i krijuar sipas Ligjit nr. 55/2023, "Për Agjencinë e Menaxhimit të Garancive dhe Kredive të Pakthyera", i cili ka hyrë në fuqi në datën 01.01.2024.

Monitorimi i zbatimit të buxhetit për 12-mujorin e vitit 2024 për AMGKP-në përfaqëson procesin e vlerësimit të performancës së fondeve buxhetore, nëpërmjet krahasimit të

Adresa: Njësia Adm. Farkë, Rruga "Rrapo Hekali", Selitë-Tiranë, Ndërtesa 21, Hyrja 1, Kodi 2084021; Tel: 042226817

treguesve faktikë të performancës me ato të planifikuar. Strukturat e AMGKP-së kanë kryer monitorimin e treguesve buxhetorë me qëllim ndjekjen e objektivave të synuar. Nëpërmjet këtij raporti monitorimi, evidentohet niveli i realizimit të fondeve buxhetore të institucionit në krahasim me planin e miratuar. Analiza e raportit të monitorimit të zbatimit të buxhetit vjetor i mundëson institucionit orientim dhe sigurimin e një informacioni shtesë për të përmirësuar procesin e planifikimit dhe të menaxhimit të buxhetit. Ky raport do të shërbejë si një pasqyrë e rëndësishme përmes së cilës institucioni do të synojë lidhjen e kostove buxhetore me produktet e performancës, si forma më e mirë e buxhetimit dhe vlerësimit financiar të ecurisë të institucionit.

2. Informacioni buxhetor

Në vijim paraqiten, në mënyrë të përmbledhur, treguesit e realizimit të fondeve buxhetore për këtë periudhë, nëpërmjet krahasimit të treguesve faktikë me ata të planifikuar. AMGKP ka një produkt me emërtim “Kontrata të garancive dhe Kredive të Pakthyer”.

Tabela 1: Raporti përmbledhës i shpenzimeve

Në lekë

Emërtimi	Buxheti vjetor 2024	Buxheti vjetor i rishikuar 2024	Realizimi vjetor	Realizimi në %
Shpenzime Korente	54,000,000	55,685,000	51,842,229	93.09%
Shpenzime Kapitale	0	0	0	0
Totali	54,000,000	55,685,000	51,842,229	93.09 %

Fondet buxhetore të miratuara në fillim të vitit 2024, në shpenzime korente dhe shpenzime kapitale, në total janë 54,000,000 lekë, të cilat janë rishikuar gjatë vitit nëpërmjet rialokimeve brenda shpenzimeve korente, si dhe me aktin normativ nr. 3, datë 28.08.2024 dhe nr. 5, datë 19.12.2024. Vlera totale e buxhetit arriti, në fund të vitit 2024, në 55,685,000 lekë. Performanca e realizimit të fondeve buxhetore për vitin 2024 është 51,842,229 lekë, në nivelin 93.09 %.

Në një vështrim të përgjithshëm, buxheti total i miratuar për vitin 2024 ishte i mjaftueshëm për mbulimin e nevojave për shpenzimet korente. Buxheti për shpenzimet kapitale kanë qënë 0 lekë.

Në mënyrë analitike, performanca e realizimit të shpenzimeve për këtë periudhë, për AMGKP-në, paraqitet si në vijim:

Tabela 2: Realizimi i buxhetit sipas artikujve ekonomikë*Në lekë*

Artikulli	Emërtimi	Buxheti vjetor	Buxheti vjetor i rishikuar	Realizimi vjetor	Realizimi në %
600+601	Paga dhe Sigurime	49,000,000	35,857,000	35,848,705	99.98
602+606	Shpenzime për mallra dhe shërbime dhe fond i veçantë	5,000,000	19,828,000	15,993,524	80.66
231	Shpenzime kapitale	0	0	0	-
	TOTALI	54,000,000	55,685,000	51,842,229	93.099

Artikulli 600 dhe 601, "Shpenzime personeli", buxheti vjetor i alokuar në fillim të vitit 2024 për këtë zë është 49,000,000 lekë, buxhet i cili do të mbulojë nevojat e institucionit në fushën e pagave për të gjithë vitin, sipas dispozitave ligjore në fuqi.

Me shkresën nr 1120, datë 09.05.2024 është kërkuar rialokim i fondit nga 600+601 në 602 në vlerën 3,908,000 lekë, i cili është miratuar me shkresën nr 6597/4 prot datë 13.06.2024.

Me shkresën nr 3741 prot datë 05.08.2024 është kërkuar rialokimi i fondit 600+601 në 602 në vlerën 4,815,000, i cili është miratuar me shkresën nr. 9475/6 prot.

Me shkresën nr 15774/5 prot datë 27.11.2024 është pakësuar zëri 600+601 në vlerën 3,200,000 lekë.

Me shkresën nr 17526/43 prot datë 26.12.2024, në zbatim të aktit normative nr.5 datë 19.12.2024 për shpenzimet korente, zëri 600+601 është zvogëluar në vlerën 1,220,000 lekë.

Sipas shkresave të mësipërme zëri 600+601 është pakësuar në total, në vlerën 13,143,000 lekë pasi AMGKP-ja nuk ka funksionuar me staf të plotë dhe ka patur vende vakante. Gjithashtu theksojme se gjatë vitit 2024 janë kaluar 11 muaj paga, pasi pagat e Dhjetor 2023 stafi i ka marrë brenda vitit 2023 duke qënë se ka funksionuar me vetfinansim.

Buxheti i rishikuar për zërin 600+601 pas rialokimeve është në vlerën 35,857,000 lekë. Performanca e realizimit të tij për vitin 2024, siç është paraqitur në formën tabelare, është në nivelin 99.98%.

Për sa i përket numrit të punonjësve me urdhërin nr.17 datë 25.01.2024 "Për miratimin e strukturës dhe të organikës së Agjencisë së Menaxhimit të Garancive dhe Kredive të Pakthyera", numri i punonjësve të AMGKP-së është gjithësej 30 veta në strukturë. Gjithashtu me VKM Nr.39, datë 24.01.2024, "Për përcaktimin e numrit të punonjësve me kontratë të përkohshme, për vitin 2024, në njësitë e qeverisjes qendrore", për institucionin tonë janë

miratuar 4 punonjës me kontratë 6 orë. Mesatarja e plan/faktit për numrin e punonjësve janë 30 persona nga 34 persona gjithësej.

Artikulli 602 dhe 606, "Shpenzime për mallra dhe shërbime të tjera dhe fondi i veçantë", buxheti i miratuar në fillim të vitit në këtë artikull për vitin 2024, është 5,000,000 lekë, buxhet i cili nuk ishte i mjaftueshëm në krahasim me kërkesat e institucionit, reflektuar kjo në Projektbuxhetin e vitit 2024-2026. Pas riallokimit të fondeve nga shkresat e cituara më sipër si dhe nga akti normativ nr. 3, datë 28.08.2024, bashkë me të gjitha ndryshimet e kryera gjatë vitit dhe të miratuara nga

ministra, buxheti vjetor i rishikuar ka shkuar në vlerën 19,828,000 lekë.

Performanca e realizimit të buxhetit të artikullit: "Shpenzime për mallra dhe shërbime të tjera si dhe fondit të veçantë" për vitin 2024, është në nivelin 80.66%.

Vlen të theksojmë që gjatë 4 mujorit të parë ritmi i punës ka qënë i ulët për shkak të ndryshimeve ligjore nga një institucion me vetfinancim, në buxhetor i cili ka funksionuar me një ligj të ri dhe objektiva të shtuara për institucionin. Gjithashtu për rreth 8 muaj institucioni është drejtuar nga Drejtorë të Përgjithshëm të deleguar.

Gjatë vitit 2024 janë kryer disa procedura prokurimi, blerje me vlerë të vogël, për blerje kancelari+tonera, blerje material pastrimi, shërbim riparim automjeteve, kamera, sistem alarmi, sigurim i objekteve dhe pajisjeve, shërbim mirëmbajtje pajisje elektronike dhe të zyrave, shpenzime vaj, filtra, alkol frenash për makinat, pajisje të automjeteve "Hyundai Accent" me targë AA 516 TF, AA 517 TF dhe "Hyundai Accent" me targë TR 9941F (Siguracion TPL). Shumica e zërave janë realizuar në 4 mujorin e fundit të vitit për shkak të mungesës të emërimit të Drejtorit të Përgjithshëm.

Ndërkohe që nga lista e Regjistrimit të Parashkimeve të Procedurave Publike për vitin 2024, nuk janë realizuar zërat e mëposhtëm sipas shpjegimitit përkatës.

1-Blerje vazo me lule – Nuk ishte e nevojshme.

2-Mirëmbajtje e automjeteve (lavazh) – ky shërbim nuk u realizua pasi ofertat e operatorëve që morën pjesë nuk i plotësonin kushtet edhe kriteret e duhura.

3-Blerje gomash për automjet - Nuk ishte e nevojshme.

Në përfundim vlerësojmë se nga AMGKP, si një institucion i ri buxhetor, buxheti i vitit 2024, është zbatuar në përputhje me dispozitat ligjore dhe konform fondeve buxhetore të miratuara për vitin 2024, duke arritur një performancë të kënaqshme të realizimit të tyre, në të gjitha zërat e shpenzimeve, si dhe plotësimin e nevojave të domosdoshme për ecurin e aktivitetit institucional.

Shpenzime e artikullit 602 dhe 606 të detajuara si më poshtë vijon:

Në lekë

Artikulli 602+606	Realizimi 12 mujor
Blerje kancelari	428,400
Blerje materiale pastrimi	118,800
Shpenzime shërbime postare	226,480
Shpenzime energji elektrike	346,212
Shpenzime telefoni fiks	63,290
Shpenzime ujë	40,500
Shpenzime të tjera (Permbarim,ASHK, Mirëmbajtje krediti)	7,351,020
Shpenzime tatim taksa të paguara nga institucioni	57,940
Shpenzime gjyqesore	850
Shpenzime qiraje	3,946,597
Shpenzime transporti (taksa, kualidim)	115,592
Shpenzime për ekzekutim të vendimeve gjyqësore për largim nga puna	1,974,232
Shpenzime Dieta	270,660
Shpenzime të sigurimit dhe ruajtjes	201,491
Shpenzime siguracion makine	34,972
Shpenzime mirëmbajtje të pajisjeve të zyrave	238,488
Shpenzime mirëmbajtje të mjeteve të transportit	465,000
Ndihmë financiare për punonjësit mbështetës	105,000
Shpenzime kompesim telefoni	8,000
TOTAL	15,993,524

Arkëtimet nga debitorët

Agjencia e Menaxhimit të Garancive dhe Kredive të Pakthyera një ndër objektivat e saj ka dhe mbledhjen e kredive të ish bankave të nivelit të dytë me kapital shtetëror dhe investimet në banesa nga INSIG sh.a.

Sipas shkresës nr 23022/1 prot. datë 14.02.2024 mbi operimin e llogarive bankare të arkëtimit të detyrimeve të huamarrësit llogaritë ekzistuese në monedhat lekë, euro, usd në emër të kësaj agjencie do të operojnë sipas praktikës të deritanishme për arkëtimet e debitorëve të krijuar para datës 31.12.2023.

Referuar ligjit nr.55/2023, Kreut II, neni 3, pika 2 e ligjit citon "Të ardhurat e përfituara sipas shkronjave "b" dhe "c" të pikës 1 të nenit 4 dhe nenit 15 të këtij ligji derdhen në buxhetin e shtetit. Të gjitha arkëtimet e debitorëve dhe gjendja e mbetur e llogarive bankare nga viti 2023 është bërë derdhje në buxhetin e shtetit për KFW-në. Janë mbajtur vetëm komisionet mujore për mirëmbajtjen e llogarive dhe komisionet e transfertave drejt TSA për çdo llogari në shumën 57,485.42 të konvertuara në lekë sipas kursit të Bankës të Shqipërisë.

Plani për mbledhjen e arkëtimeve për vitin 2024 për debitorët e transferuar nga ish-bankat me kapital shtetëror dhe Insig është vendosur në shumën 80,000,000 lekë. Gjatë vitit 2024 janë arkëtuar nga debitorët për detyrime dhe pagesa të tjera vërtetimesh 24,070,599 lekë, 2964.55 euro dhe 54,001.34 Usd të cilat janë konvertuar në lekë sipas kursit të Bankës të Shqipërisë në ditën që janë bërë arkëtimet.

Performanca e realizimit të planit të arkëtimeve është 36.73 %, referuar tabelës më poshtë.

Arkëtimet sipas monedhave për vitin 2024

Në lekë

Monedha	Arkëtimet sipas monedhave	Arkëtimet të konvertuara në lekë sipas K.K të BSH në ditën e arkëtimit
ALL	24,070,599.00	24,070,599.00
EUR	2,964.55	307,400.17
USD	54,001.34	5,013,877.92
Totali		29,391,877.09

Progresiv Janar -Dhjetor 2024

Plan	Fakt	%
80,000,000 All	29,391,877.09 All	36.73

3. Performanca jo-financiare e programit buxhetor

Misioni i AMGKP-së është: Sigurimin e menaxhimit të skemave të veçanta të garancive të huasë dhe trajtimin e kredive të transferuara nga bankat tregtare të nivelit të dytë me kapital tërësisht shtetëror pas privatizimit të tyre, në përputhje me rregullat e përcaktuara në ligjin nr.55/2023, "Për menaxhimin e garancive dhe kredive shtetërore të pakthyera".

Përshkrimi i Produktit: "Mbledhja e detyrimeve të huamarrësve kundrejt Ministrisë së Financave si rezultat i pagesës së garancive dhe detyrimeve të Ish-bankave me kapital shtetëror".

Qëllimi Politikës së Programit: "Menaxhimin e skemave të veçanta të Garancive të huasë, mbledhjen e detyrimeve të kredive të transferuara nga bankat tregtare të nivelit të dytë me kapital tërësisht shtetëror pas privatizimit të tyre".

Objektivat e Agjencisë:

- Mbledh detyrimet e huamarrësve kundrejt ministrisë përgjegjëse për financat për detyrimet që kanë lindur si rezultat i pagesës së garancive nga ministria përgjegjëse për financat dhe si rezultat i marrëdhënies së huadhënies e nënhuazimit të fondeve;
- Verifikon dhe konfirmon përmbushjen e kërkesave të marrëveshjeve të garancisë në tipat e kontratave bankare;
- Administron informacionin dhe dokumentacionin e skemave të veçanta të garancisë;
- Monitoron shlyerjen e detyrimeve të huamarrësve ndaj ministrisë përgjegjëse për financat për pagesat e kryera nga kjo e fundit, në kuadër të marrëveshjeve të garancisë;
- Kryen mbikëqyrjen e kushteve financiare të të gjithë huamarrësve, që kanë marrë garanci nga skemat që ajo menaxhon dhe u kërkon huamarrësve informacionin e nevojshëm për realizimin e kësaj mbikëqyrjeje.
- Mban, menaxhon dhe përditëson bazën e të dhënave dhe regjistrin analitik të garancive që menaxhon

Tregues i performancës i projektuar për të matur rezultatin e lidhur me objektivat janë:

1. "Numri i debitorëve të trajtuar duke ezauruar rrugën gjyqësore dhe përmbarimore deri në likuidimin total të detyrimeve"
2. "Numri i kredive të mbyllura në raport me numrin e kredive në trajtim".
3. "Numri i çështjeve të trajtuara për thirrjen e Garancisë si dhe trajtimi i nënhuave".
4. "Përqindja e uljes të portofolit në trajtim"

Gjatë gjithë vitit sektori ka mbajtur dhe ka ndjekur evidencën operative të fazave të trajtimit ligjor për të gjithë debitorët, duke e pasqyruar këtë informacion në dosjet dhe programet e zgjedhura për raportim.

Vlen për tu theksuar fakti që gjatë vitit 2024 puna pranë AMGKP-së është ndikuar nga ndryshimet e herëpashërëshme përsa i përket titullarit të institucionit, fakt i cili ka patur ndikim dhe tek Sektori i Ndekjes së Procedurave të Ekzekutimit Permbarimorë, me ndikim të drejtpërdrejtë me pengesën e përgatitjes së kërkesave për vënie në ekzekutim pranë Zyrave Permbarimore Shtetërore dhe Private.

• Sektori i Verifikimit të Kërkesave të Garancisë dhe Konfirmimit të Kontratave

Sipas raportimit nga Sektori i Verifikimit të Kërkesave të Garancisë dhe Konfirmimit të Kontratave gjatë 12 mujorit të vitit 2024 ka patur në fokus:

- Janë trajtuar dhe ndjekur 12 raste të thirrjes së garancisë nga Bankat e Nivelit të Dytë, prej të cilave, pas verifikimit të përmbushjes së kushteve sipas Marrëveshjes së Garancisë, është kryer pagesa nga Ministria e Financave në favor të Bankave përkatëse për 6 subjekte.
- Është trajtuar një kërkesë për rifinancim të kredisë brenda skemës së garancisë, e cila pas verifikimit nuk përmbushte kushtet sipas Marrëveshjes së Garancisë.
- Janë trajtuar 3 raste për të cilat është kryer pagesa nga Ministria e Financave dhe vazhdimisht është kërkuar informacion Bankave lidhur me veprimet e kryera për rekuperimin e detyrimit.
- Janë dërguar "Njoftim për kthim detyrimi", drejtuar subjekteve për të cilët është kryer pagesa e garancisë nga Ministria e Financave, duke i bërë me dije mbi dispozitat ligjore.
- Janë trajtuar dhe ndjekur marrëveshjet e nënshkrimit dhe huave buxhetore të marrë në dorëzim nga Ministria e Financave, ku janë dërguar "Njoftim për shlyerje detyrimi", si dhe brenda datës 15 të çdo muaji është rakorduar me Ministrinë e Financave mbi pagesat e kryera nga subjektet dhe detyrimin e mbetur, në përputhje me Udhëzimin nr. 21087 datë 16.11.2023 të Ministrit të Financave.
- Janë kryer takime me subjektet kredimarrës si KESH, OSHEE, OST, Bashkia Tiranë, UKT, në të cilat është diskutuar mundësia e shlyerjes së detyrimeve ndaj Ministrisë së Financave.
- Është marrë në dorëzim nga Ministria e Financave marrëveshja e huasë e lidhur mes Këshillit të Ministrave dhe subjektit Alcontrol Sh.a, të cilit i është dërguar njoftim për shlyerje detyrimi nga Sektori.
- Janë evidentuar problematikat e hasura gjatë punës lidhur me Garancitë Sovrane, për të cilat është përgatitur një Memo, si dhe janë trajtuar 5 subjekte të cilët rezultojnë në vonesë të pagesës së kësteve, por për të cilët Bankat nuk kanë thirrur garancinë.

- Është ndjekur ecuria e skemës së Garancisë Sovrane Nr. 4, në të cilën kanë aplikuar 8 subjekte, për të cilat është shqyrtuar gjithë dokumentacioni i vënë në dispozicion nga Bankat. Pas verifikimit nga grupi i punës i përmbushjes së kushteve dhe kriterëve për dhënie të huasë, kemi konfirmuar vazhdimin e procedurave. Gjithashtu, janë verifikuar edhe kushtet e kontratës tip të kredisë, e cila do të lidhet me subjektet, sipas Bankave të Nivelit të Dytë. Gjithsej kanë lidhur kontratë kredie 4 subjekte dhe është disbursuar shuma për 3 subjekte.

• **Spektori i Informacionit dhe Administrimit të Dokumentacionit**

Sipas raportimit nga Spektori i Informacionit dhe Administrimit të Dokumentacionit gjatë 12 muorit të vitit 2024 ka patur në fokus:

Objektivat:

1. Administrimin e dokumentacionit të skemave të veçanta të garancive shtetërore, arkivimin dhe përditësimin e të dhënave të garancive.
2. Kontrollon inventarin dhe gjendjen fizike të pronave në pronësi të Agjencisë.
3. Ndjek çdo procedurë që ka lidhje me ankandet.
4. Raportimin periodik në Bankën e Shqipërisë mbi debitorët e mbyllur.
5. Përgatit dosje të veçantë për çdo objekt të marrë në pronësi nga AMGKP dhe ndjek me përgjegjësi të gjitha procedurat për dokumentimin, administrimin dhe shitjen në ankand të këtyre pasurive sipas përcaktimeve në Ligjin e AMGKP-së dhe akteve nënligjore në fuqi.

Treguesit e performancës:

Gjatë vitit 2024 janë administruar në mënyrë elektronike (server) dhe në dosje fizike në arkivë të dhënat e garancive sovraane:

1. GS1 - 470 dosje.
2. GS2 - 570 dosje.
3. GS3 - 6 dosje.
4. GS4 - 4 dosje.

Kreditë e Garantuara - 39 dosje

Huatë dhe Nënhuatë - 75 dosje

Azhornim mujor.

Kontrolli i inventarit fizik i pronave gjatë 2024 ka qënë vetëm për 6 prona të paluajtshme dhe 4 prona të luajtshme. Në numër është raport i vogël, për arsye se gjatë vitit 2024 ka patur vakanca në drejtimin e institucionit si dhe mos dalja e akteve nënligjore.

Gjatë vitit 2024 janë raportuar mbylljet në Bankën e Shqipërisë 70 debitorë.

Nuk ka patur procedura për ankand, pasi nuk kanë dal ende aktet nënligjore.

Puna e realizuar sipas objektivave përkatëse:

- Administrimi i dosjeve të skemave të garancive, realizuar 100%.
- Raportimi në Bankën e Shqipërisë, realizuar 100%.
- Inventarizimi i pronave gjatë 2024, realizuar 13%.
- Ankandet, realizuar 0%.

• Sektori i monitorimit dhe mbikëqyrjes së skemave të vecanta të garancisë

Sipas raportimit nga Sektori i monitorimit dhe mbikëqyrjes së skemave të vecanta të garancisë gjatë 12 muorit të vitit 2024 ka patur në fokus:

- a. Përpunuar informacionin e ardhur nga bankat e nivelit të dytë lidhur me Garancitë Sovrane 1,2,3 dhe 4.
- b. Përgatitur raporti çdo muaj për Ministrinë e Financave.
- c. Marrë në shqyrtim aplikimet e ardhura për Garancinë Sovrane 4 sipas urdhërit të grupit të punës.
- d. Analizuar statement të 4 subjekteve për të cilat është thirrur Garancia në mënyrë që të vërtetohet që e gjithë shuma e disbursuar është përdorur për qëllimin e garancisë sipas marrëveshjeve.
- e. Përgatitur parashikimi për Buletini për Garancitë deri në vitin 2031 dhe dërguar ministrisë.
- f. Përgatitur parashikimi i principalit që do të paguhet nga ministria për subjektet në vitin 2025 dhe dërguar ministrisë.
- g. Përgatitur informacion Ministrisë lidhur me principalet që plotësojnë kushtin në pagesë të garancisë çdo muaj.
- h. Raportuar të mbyllur me status 5 në Bankën e Shqipërisë 43 debitorë deri në Shtator 2024

Detyrat e realizuara sipas sektorëve përkatës.

• **Sektori i Ndjekjes së Procedurave Juridike dhe Operacionale**

Sipas raportimit nga Sektori i Ndjekjes së Procedurave Juridike dhe Operacionale gjatë 12 mujorit të vitit 2024 ka patur në fokus:

1. Zgjidhjen me sukses të kërkesave dhe problematikave të debitorëve;
2. Trajtimin ligjor të dosjeve;
3. Arkëtimet nga debitorët të cilat derdhen në buxhetin e shtetit.

Për muajin Janar-Dhjetor janë bërë 94 kërkesa për mbyllje nga debitorët e ish bankave të Nivelit të dytë me kapital shtetëror dhe plani është realizuar në masën 100 % ku janë mbyllur me vendim drejtorie 94 debitorë.

Për vitin 2024, nga ana e Agjencisë së Menaxhimit të Garancive dhe Kredive të Pakthyera, problematikë që ka sjellë cedimin e punës, ka qenë mungesa e funksionimit të hierarkisë të vakancat e njëpasnjëshme të pozicioneve Drejtuese të AMGKP-së. Problematikë që ka ndikuar në planin operacional ka qenë edhe kufizimi i lëvizjeve në terren. E megjithatë, pavarësisht vështirësive të krijuara për pjesën më të madhe të vitit ka vijuar puna nga i gjithë stafi i AMGKP-së me qëllim realizimin e detyrave dhe realizimin e arkëtimeve sipas planifikimit. Me gjithë vështirësitë u arrit që të arkëtohen 36.7 % e planit vjetor.

Treguesit e arkëtimeve dhe performances të Sektorit

Stafi është orientuar edhe për një vëmendje të posaçme kushtuar etapave të trajtimit ligjor të huamarrësve.

1. Gjatë Vitit 2024 janë ekzekutuar 94 dosje të debitorëve të AMGKP-së
2. Janë dërguar 2555 "Njoftime Detyrimi" për debitorët
3. Hapur 1938 dosje debitorësh ku janë gjetur UE dhe janë azhornuar në sistemin e Kreditit.
4. Janë ndjekur 129 seanca gjyqësore
5. Janë përgatitur 7 deklarata mbrojtje
6. Janë vënë në ekzekutim në Zyra Përmbarimore 83 debitorë
7. Janë bërë 40 Aplikime në ASHK
8. Janë kryer 81 shërbime në terren

Problematikat gjatë procesit dhe zgjidhja e tyre

Gjatë ushtrimit të veprimtarisë së AMGKP-së janë hasur problematika, disa nga të cilat janë të evidentuara si më poshtë, por që sipas një plani kanë marrë një zgjidhje graduale nga sektorët përkatës:

- *Pavlefshmëria e titujve ekzekutivë*
- *Amortizimi i borxhit*
- *Adresat jo të sakta*
- *Mosha e debitorëve*
- *Kushtet e vështira social-ekonomike të debitorëve.*
- *Mungesa e dokumentacionit tekniko-ligjor të pasurive në pronësi të AMGKP-së*
- *Mungesa e regjistrimit në QKB*
- *Mungesa e të dhënave të debitorëve*
- *Numri në rritje i porcesve gjyqësore*

Sipas vlerësimit nga sektori fokusi i punës së AMGKP duhet të jetë identifikimi i debitorëve dhe kontaktimi i tyre. Në këtë mënyrë do të krijohet një e dhënë e sakte mbi gjendjen ekonomiko-sociale të tij duke nxjerrë edhe pritshmëritë e kthimit të detyrimit. Vlerësimi i punës së stafit nuk mund të jetë më vetëm nëpërmjet arkëtimeve, por edhe puna për analizën reale të borxhit të mbetur si dhe trajtimi ligjor, deri në vjeljen e plote të detyrimit.

● **Sektori i Ndjekjes së Procedurave të Ekzekutimit Permbarimorë**

Sipas raportimit nga Sektori i Ndjekjes së Procedurave të Ekzekutimit Permbarimorë gjatë 12 muorit të vitit 2024 ka patur në fokus:

Sektori i Ndekjes së Procedurave të Ekzekutimit Permbarimorë është një sektor i cili është krijuar dhe ka marrë formë me krijimin e Agjencisë së Menaxhimit të Garancive dhe Kredive të Pakthyera, (AMGKP), ku e ushtron veprimtarinë e saj bazuar në Ligjin Nr.55/2023 "Për Menaxhimin e Garancive dhe Kredive të Pakthyera".

Me krijimin e sektorit, u kërkuar të zbatoheshin detyra dhe programe të reja të punës, për të arritur qëllimet dhe objektivat të cilat ky sektor kërkon, duke filluar me objektivin kryesor atë të evidentimit dhe të kërimit të informacioneve nga zyra permbarimore si private dhe ato shtetërore, për të krijuar një database i cili pasqyrore të dhënat mbi dosjet e vëna në ekzkeutim pranë këtyre zyrave ndër vite me palë kreditore AMGKP, (ish-ATK). Gjatë vitit 2024, në bazë të objektivit dhe të pritshmërive që ky sektor kishte, duke u ndikuar dhe nga faktor të jashtës ka arritur të realizojë objektivat në masën 90%.

Gjatë vitit 2024 një ndër pikat kryesore ka qenë përgatitja e kërkesave për vënie në ekzekutim pranë Zyrave Permbarimore Shtetërore dhe Private, plan i cili parashikonte të arrinte një numër prej 500 rastesh të Urdhërave të Ekzkeutimit Origjinal, ndër këto është arritur të dërgohen 317 UE origjinale për ekzekutim pranë Zyrave Permbarimore Private dhe ato Shtetërore.

Objektivat e Sektorit të Monitorimit dhe Mbikëqyrjes së Skemave të Veçanta të Garancisë:

1. Kryen mbikëqyrjen e kushteve financiare të të gjithë huamarrësve, që kanë marrë garanci nga skemat që ajo menaxhon dhe u kërkon huamarrësve informacionin e nevojshëm për realizimin e kësaj mbikëqyrje,
2. Mban, menaxhon dhe përditëson bazën e të dhënave dhe regjistrin analitik të garancive që menaxhon.
3. Verifikimin e aftësisë paguese të subjekteve huamarrëse për të cilat është kryer pagesa e garancisë në secilën prej skemave të garancive të miratuara, huave dhe nënhuave, të garantuara nga Ministri përgjegjës për financat,
4. Shqyrton dhe analizon raportet periodike të çdo huadhënësi për huatë e aprovuara prej tij dhe çdo informacion dhe dokument tjetër të nevojshëm për monitorimin e ecures së garancisë.

Sa më sipër gjatë vitit sektori ka mbikëqyrur dhe monitoruar bankat e nivelit të dytë si më poshtë:

1. Garancia Sovrane 1, kanë ngelur kreditë të pa paguara për 3 subjekte në total 2 banka;
2. Garancia Sovrane 2, monitorohen në total 12 banka të nivelit të dytë ku në total janë 569 subjekte me numër kredie në total 615.
3. Garancia Sovrane 3, monitorohen 3 banka me numër subjektsh në total 7 dhe numër total kredie 11.
4. Garancia Sovrane 4, monitorohen 2 banka me numër subjektsh në total 3 dhe numër total kredie 3.

DREJTORI PËRGJEGJËS

Avefrit Doshanaku



Konceptoi: K.Telo, Përgjegjës i Sektorit të Financës dhe Buxhetit
Konfirmoi: M.Madhi, Drejtor i Drejtorisë Ekonomike dhe Shërbimeve Mbështetëse
Datë: 13.02.2025
Kopje: 2 (dy)

Adresa: Njësia Adm. Farkë, Rruga "Rrapo Hekali", Selitë-Tiranë, Ndërtesa 21, Hyrja 1, Kodi 2084021; Tel: 042226817